



SAMNINGUR UM LANDSMÓT
HESTAMANNA 2020
Á RANGÁRBÖKKUM VIÐ HELLU

L.A.H.
H.R.P.

12/13

G.O.E.

Samningur um Landsmót hestamanna 2020

á Rangárbökkum við Hellu

Landsmót hestamanna ehf. (hér eftir nefnt LM), kt. 501100-2690, Engjavegi 6 í Reykjavík, og Rangárbakkar, Þjóðaleikvangur íslenska hestsins ehf. (skv. Fyrirtækjaskrá RSK), (hér eftir nefnt Rangárbakkar), kt. 691200-2130, gera með sér samning um mótshald Landsmóts hestamanna 2020 á Rangárbökkum (hér eftir nefnt LM2020).

LM er í eigu Bændasamtaka Íslands, kt. 631294-2279, Bændahöllinni við Hagatorg, (hér eftir nefnt BÍ) og Landssamband hestamannafélaga, kt. 710169-3579, Engjavegi 6 í Reykjavík, (hér eftir nefnt LH).

Stjórn LH velur og ákveður landsmótsstað hverju sinni að höfðu samráði við LM, sbr. gr. 6.1. laga LH. Stjórn LH ákvað á fundi sínum þann 3. mars 2016 að ganga til samningaviðræðna við Rangárbakka um LM2020 á Hellu.

LM og Rangárbakkar eru sammála um að vinna sameiginlega að því og af fullum heilindum að halda Landsmót hestamanna 2020. LM og Rangárbakkar eru sammála um að hafa til hliðsjónar fjárhagslega hagkvæmni, félagslegt réttlæti og samfélagslega ábyrgð.

A. Réttur til þess að halda LM2020

1. gr.

Veiting réttar til þess að halda LM2020

Með samningi þessum veitir LM, Rangárbökkum rétt til þess að halda Landsmót hestamanna á Hellu sumarið 2020. Í þessu felst að Rangárbakkar sjá um og bera ábyrgð á rekstri LM2020. Þessi réttur miðast við að LM2020 verði haldið á Hellu.

Rangárbakkar greiða LM fyrir réttinn sem nemur 10% af söluandvirði seldra miða. Þó að lágmarki kr. 11.500.000,- og að hámarki kr. 15.000.000,-. Ef mótið fellur niður vegna sérstakra aðstæðna falla greiðslur niður. Uppgjöri skal lokið fyrir 15. september 2020.

Rangárbakkar munu notast við viðurkenndan aðila miðasölukerfis.

Rangárbakkar munu afhenda LM alls 20 aðgöngumiða á LM2020 án endurgjalds.

Rangárbakkar munu fá afnot af eftirtöldum eignum LM á LM2020 endurgjaldslaust: rafmagnstenglum, dómhúsum og tímatökubúnaði.

Handwritten signatures and initials in blue ink, including "LH", "HR", "G JEG", and "1 DM".

B. Mótssvæðið

2. gr.

Almennt

LM gerir ákveðnar kröfur um aðbúnað mótssvæðisins, aðstöðu fyrir gesti, keppendur o.fl. Rétti til þess að halda LM2020 fylgja þær skyldur sem nánar er fjallað um í þessum samningi.

Mótssvæðið skal vera þannig að þar sé hægt að taka á móti allt að 12.500 gestum og allt að 1.200 hrossum. Skal mótssvæðið og aðgengi að því taka mið af þessu og þeim almennu kröfum sem opinberir aðilar gera.

3.gr.

Uppdráttur af svæði

Rangárbakkar leggja til mótssvæðið, í samræmi við meðfylgjandi uppdrátt, merktur sem fylgiskjal A. Rangárbakkar munu skila LM fullkláruðum og hnitsettum uppdrætti að svæðinu eigi síðar en 1. maí 2019.

Uppdrátturinn skal hnitsettur og unninn af viðurkenndum aðila. Á uppdráttinn skal m.a. merkja og afmarka sérstaklega mótssvæðið sem slíkt, akvegi, reiðleiðir, girðingar, upphitunarbrautir, hringvelli, sýningarbraut, neyðarleiðir, dómpall, dómaraaðstöðu, áhorfendasvæði, þ.m.t. svæði fyrir snyrtingar, salernisaðstöðu, þjónustu- og markaðssvæði, bíla-, kerru-, og gámastæði, tjaldsvæði, hjólhýsa- og tjaldvagnaaðstaða, rafmagnstengla, spennistöðvar, aðstöðu fyrir hestamannafélög og keppendur, skrifstofuaðstöðu, fjölmiðlaaðstöðu, barnagarð, vatnslagnir og rafmagnslagnir.

Uppdrátturinn skal unninn í samráði við LM. LM og Rangárbakkar skulu samþykkja framangreindan uppdrátt með undirritun sinni á hann. Komi til breytinga á uppdrætti eftir framlagningu hans þann 1. maí 2019 skulu báðir samningsaðilar vera ásáttir um þær breytingar og samþykkja þær sérstaklega með undirritun sinni á nýjan uppdrátt.

4.gr.

Afmörkun mótssvæðis

Afmörkun svæðis er skilgreind á uppdrætti á fylgiskjali merktu A.

Handwritten signature and initials: "d. A. H. HRP"

Handwritten date: "11/13"

Handwritten signature: "G. RE"

5. gr.

Keppnis- og sýningarvellir

Á mótssvæðinu skulu vera upphitunarbrautir keppnis- og sýningarhrossa, hringvellir, (aðalvöllur, upphitunarvöllur) ásamt sýningarbraut fyrir kynbótahross og kappreiðabraut. Keppnisvellir skulu uppfylla þær kröfur sem gerðar eru skv. Lögum LH vegna þeirra keppna sem fara fram á LM2020. Þá skulu sýningarvellir uppfylla kröfur reglna BÍ um kynbótasýningar, sbr. 2. tölul. viðauka við reglugerð nr. 442/2011, um uppruna og ræktun íslenska hestsins.

Viðurkennt efni skal vera á yfirborði allra valla og upphitunarsvæða.

Allir vellir skulu undirbúnir í samráði við mannvirkjanefnd LH. Umsjón valla og kostnaður vegna viðhalds á þeim í aðdraganda LM2020 og á meðan á mótinu stendur skal alfarið vera í höndum Rangárbakka.

6.gr.

Stjórnstöð LM2020 og aðstaða fyrir fjölmiðla

Rangárbakkar skulu útvega skrifstofuaðstöðu á mótssvæðinu fyrir stjórnstöð LM2020 sem og skrifstofuaðstöðu fyrir fjölmiðla.

7.gr.

Aðstaða dómara

Rangárbakkar skulu sjá til þess að við alla velli verði dómpallur og dómaraaðstaða fyrir þuli og starfsmenn eftir því sem þörf er á. Þá skal gera ráð fyrir að koma þurfi fyrir sérstakri stjórnstöð dómara. Í stjórnstöð dómara skulu vera 10 ampera rafmagnstengingar og ljósleiðaratenging. Þá skal vinnuaðstaða dómara vera viðunandi að mati LM.

8.gr.

Gæsla

Öll gæsla, þ.m.t. öryggis- og löggæsla og vakt heilbrigðisstarfsfólks, á mótssvæðinu á LM2020 verður á hendi Rangárbakka. Rangárbakkar skulu sjá um alla samninga um gæslu við og á mótssvæðinu eins og það er skilgreint í fylgiskjali A. Umfang gæslu skal miðast við þarfagreiningu og tímaáætlun sem verkefnisstjórn LM2020 vinnur eða lætur vinna og skal hún liggja fyrir eigi síðar en 1. nóvember 2019. Rangárbakkar skulu sjá til þess að á mótssvæðinu verði aðstaða fyrir starfsmenn sem sinna öryggis- og löggæslu og vakt heilbrigðisstarfsfólks á LM2020.

9.gr.

Áhorfendasvæði

Áhorfendasvæði við velli skulu taka mið af heildarfjölda gesta á LM2020, samtals 12.500 gestum. Gert er ráð fyrir að áhorfendasvæði verði við velli og skulu þau auðkennd á uppdrætti á fylgiskjali merktu A.

10.gr.

Akvegir og umferðarstjórnunaráætlun

Alla akvegi skal auðkenna á uppdrætti á fylgiskjali merktu A. Rangárbakkar skulu bera ábyrgð á að akvegir innan mótssvæðis verði rykbundnir, eftir því sem það getur átt við.

Rangárbakkar skulu láta viðurkenndan aðila, t.d. Vegagerðina, lögreglu eða verkfræðistofu, vinna umferðarstjórnunaráætlun fyrir LM2020. Umferðarstjórnunaráætlun skal fjalla um akandi og gangandi umferð gesta, keppenda, m.t.t. staðsetningar bílastæða, tjaldstæða, áhorfendasvæða, markaðssvæðis o.þ.h. til og frá mótssvæðinu og innan þess. Umferðarstjórnunaráætlun skal miða að því að gestir, starfsmenn LM2020, keppendur, hross, þjónustuaðilar og viðbragðsaðilar hafi góðan og greiðan aðgang að mótssvæðinu og að umferð innan mótssvæðisins gangi vandræðalaust fyrir sig og að umferðarhnútar myndist ekki. Þessi umferðarstjórnunaráætlun skal liggja fyrir eigi síðar en 1. nóvember 2019.

11.gr.

Neyðarleið

Á uppdrætti skal sérstaklega merkja neyðarleið fyrir sjúkrabíla og aðra viðbragðsaðila. Jafnframt skal skilgreina á uppdrætti aðstöðu löggæslu og almennrar gæslu.

12.gr.

Hreinlæti og salernisaðstaða

Rangárbakkar sjá um öll hreinlætis- og salernismál á mótssvæðinu sem skulu fullnægja kröfum heilbrigðisyfirvalda með hliðsjón af reglum um útisamkomur og þeim fjölda gesta sem samningur þessi miðast við, þ.e. allt að 12.500 manns. Salerni og sorpstöðvar skulu merktar inn á uppdrátt á fylgiskjali merktu A. Rangárbakkar skulu sjá til þess að mótssvæðið sé snyrtilegt á meðan á móti stendur.

Gert skal ráð fyrir að endurvinnanlegum umbúðum, s.s. flöskum og dósnum, verði safnað í sérstök ílát. Rangárbakkar eða aðili á þeirra vegum skal njóta góðs af skilagjaldi umbúðanna.

DAH
HRS
HRP

GJR

TDA

Fjöldi salerna og sorpstöðva skal vera í samræmi við þarfagreiningu sem verkefnisstjórn LM2020 lætur vinna og skal hún liggja fyrir eigi síðar en 1. nóvember 2019.

13. gr.

Vatn

Rangárbakkar skulu sjá til þess að nægjanlegt drykkjarhæft vatn verði til staðar á mótssvæðinu, þ.m.t. á tjald-, hjólhýsa- og tjaldvagnastæðum.

14.gr.

Þjónustu- og markaðssvæði

Rangárbakkar skulu sjá til þess að á mótssvæðinu verði sérstakt markaðs- og þjónustusvæði og skal það auðkennt á uppdrætti á fylgiskjali merktu A og stærð þess tilgreind. Stærð þjónustu- og markaðssvæðis skal vera í samræmi við það sem nauðsynlegt þykir. Nauðsynlegar lagnir skulu vera til staðar á því svæði. Gera skal ráð fyrir því að á svæðinu verði hægt að bjóða upp á veitingar. Svæðið skal vera snyrtilegt og gera þarf ráð fyrir rúmu gámasvæði nálægt því fyrir þjónustuaðila. Svæðið skal uppfylla reglur heilbrigðiseftirlits og vinnueftirlits.

15.gr.

Rafmagn og internetssamband

Rangárbakkar skulu sjá til þess að raforkuþörf vegna LM2020 verði fullnægt, þ.m.t. fyrir veitingaaðila, starfsmenn, markaðssvæði, áhorfendasvæði, keppnis- og sýningarvelli, dómaraaðstöðu o.fl. Miða skal við að hjólhýsastæði þurfi 630 amper, veitinga- og markaðssvæði 630 amper en önnur raforkuþörf er a.m.k. 200 amper. Heildarraforkuþörf er þannig a.m.k. 1.460 amper. Staðsetning spennistöðva skal merkt inn á uppdrátt á fylgiskjali merktu A.

Rangárbakkar skulu sjá til þess að fullkomin ljósleiðaratenging verði á svæðinu. Ljósleiðaratengingu þarf a.m.k. inn í stjórnstöð dómara, stjórnstöð LM2020 og útsendingarbíreið.

16.gr.

Aðstaða fyrir hross

Tilgreina skal á uppdrætti á fylgiskjali merktu A, hvar aðstaða fyrir hross er staðsett og hversu mörg hross komast þar fyrir. Verkefnisstjórn LM2020 skal halda skrá utan um laus hesthúspláss á og nálægt svæðinu og skal aðstoða þá sem sækjast eftir plássi fyrir hest meðan á LM2020 stendur. Verkefnisstjórn LM2020 skal útbúa samningsform vegna leigu á aðstöðu fyrir hross á meðan LM2020 stendur.

17.gr.

Bíla-, kerru-, og gámastæði

Tilgreina skal á uppdrætti á fylgiskjali merktu A, hvar bílastæði fyrir mótsgesti og starfsmenn eru, stæði fyrir flutningabíla og hestakerrur, gámasvæði fyrir LM og þjónustuaðila. Bílastæði skulu vera næg og afmörkuð og merkt með greinilegum hætti. Skilgreina skal bílastæði fyrir fatlaða á uppdrættinum. Stærð þessara svæða skal skilgreind á uppdrættinum.

18.gr.

Merkingar

Rangárbakkar skulu koma fyrir merkingum á mótssvæðinu, þ.m.t. umferðarmerkingum og leiðbeinandi merkjum fyrir gesti, keppendur, þjónustuaðila og aðra.

19.gr.

Tjaldstæði

Rangárbakkar skulu sjá til þess að til staðar verði afmörkuð tjaldsvæði og skulu þau merkt á uppdrátt á fylgiskjali merktu A. Stærð svæðisins skal skilgreind á uppdrættinum.

Þá skal sérstaklega afmarkað svæði fyrir húsbíla, fellihýsi og tjaldvagna. Á þessu stæði skal að auki vera aðgangur að rafmagni. Á þessu svæði skal miða við að hægt verði að vera með um 300 rafmagnstengla fyrir húsbíla, fellihýsi og tjaldvagna. Stærð svæðisins skal skilgreind á uppdrættinum.

Þá skal á uppdrætti á fylgiskjali merktu A afmarka sérstaklega tjaldbúðir og aðstöðu fyrir hestamannafélög og keppendur. Stærð svæðisins skal skilgreind á uppdrættinum.

Á öllum framangreindum svæðum skal vera rennandi drykkjarvatn úr krönum og vaskaborðum eftir þörfum. Þá skal á síðastnefnda svæðinu vera aðgengi að brynningavatni.

 HRP.



JDB

20.gr.

Barnagarður

Rangárbakkar skulu sjá til þess að til staðar verði afgirt leiksvæði fyrir börn og skal það merkt á uppdrátt á fylgiskjali merktu A. Rangárbakkar skulu annast rekstur leiksvæðisins. Mælt er til þess að leiksvæði barna opni um leið og formleg keppni hefst.

C. Framkvæmdir, mótsstjórn og verkefnisstjórn LM2020

21. gr.

Framkvæmdir

Öllum nauðsynlegum framkvæmdum við velli og áhorfendasvæði skal vera lokið fyrir 1. desember 2019.

Öllum framkvæmdum skal lokið eigi síðar en 15. júní 2020 og skal þá mótssvæðið komið í umsamið ásigkomulag. Skal þá fara fram úttekt mannvirkjanefndar LH og LM.

22.gr.

Mótsstjórn

Rangárbakkar skipa mótsstjórn. Í henni sitja fulltrúi frá LM, fulltrúi frá knöpum, vallarstjóri, mótstjóri, yfirdómari í gæðingakeppni, hrossaræktarráðunautur Ráðgjafamiðstöðvar landbúnaðarins ehf og framkvæmdastjóri mótsins sem kallar mótsstjórn saman.

23. gr.

Verkefnisstjórn LM2020

Verkefnisstjórn undirbýr og fjallar um verklegar framkvæmdir á mótssvæðinu, samvinnu aðila, sameiginleg hagsmunamál og markaðssetningu LM2020. Verkefnisstjórn skal skipuð og koma saman fyrir árslok 2017. Rangárbakkar skipa verkefnisstjórnina og m.a. munu eiga þar sæti einn fulltrúi frá LM, fulltrúar frá Rangárbökkum og fulltrúar frá sveitarfélögunum í Rangárvallasýslu. Verkefnisstjórnin skal funda eftir því sem þurfa þykir og stjórnarmenn geta kallað eftir fundi. Formaður verkefnisstjórnarinnar er fulltrúi Rangárbakka og hann boðar til funda.

[Handwritten signature]
HRP

[Handwritten signature]

[Handwritten signature]

D. Markaðssetning og þjónustu- og markaðssvæði

24.gr.

Markaðssetning

Stjórn og starfsfólk LM, BÍ og LH mun leggja sig fram við að kynna almennt mótið. LM skal eftir atvikum markaðssetja mótið í samvinnu við verkefnið „Horses of Iceland“. Rangárbakkar munu vinna með verkefninu að markaðssetningu á mótinu og veita verkefninu aðstöðu á LM2020 ef þörf krefur. Rangárbakkar fá afnot af léninu www.landsmot.is frá og með 1. september 2018 til 31. ágúst 2020. Rangárbakkar standa straum af öllum kostnaði sem til fellur vegna vefsins á þessu tímabili.

25.gr.

Einkaréttur á allri sölu

Rangárbakkar hafa einkarétt á allri sölu veitinga, varnings og þjónustu, hvaða nafni sem hún nefnist, á öllu mótsvæðinu. Rangárbakkar munu, eftir því sem við getur átt og eftir fremsta megni, beita sér fyrir því að framboð á vöru og þjónustu verði sem fjölbreyttast.

26.gr.

Dómgæsla

Dómgæsla í gæðingakeppni skal vera með því fyrirkomulagi að tveir dómaraar dæmi saman sem par, en ekki dómari og ritari. Gæðingadómaraar eru alls 12 talsins að meðtöldum einum varadómara og einum yfirdómara. Eftirlitsdómari verður ráðinn og kostaður af LH. Dómaraar eru ráðnir til mótsins samkvæmt lögum LH og kjör dómara verða samkvæmt samningi GDLH og Rangárbakka.

E. Fagleg stjórn LM2020 og sjónvarpsupptökur

27.gr.

Fagleg stjórn LM2020

Fagleg stjórn LM2020 skal vera í höndum mótsstjórnar, sbr. 22. gr., þ.e.a.s. stjórnun keppni og sýninga, dómaraastörf, samskipti við hestamannafélög o.þ.h.

Handwritten signature and initials in blue ink, including "HRP".

Handwritten initials "GFE" and "TDP" in blue ink.

28. gr.

Sjónvarpsupptökur

Rangárbakkar hafa einkarétt á sjónvarpsútsendingum og netstreymi frá LM2020 á meðan á móti stendur. LM er á hinn bóginn eigandi að upptökum og hefur einkarétt á sýningum og sölu á myndefni frá LM2020 eftir að mótinu lýkur. Rangárbakkar bera ábyrgð á öllum kostnaði í tengslum við framangreint og heldur öllum tekjum vegna sýninga og streymis frá mótinu á meðan á því stendur.

F: Sjálfboðaliðastarf

29.gr.

Sjálfboðaliðastarf

Rangárbakkar skulu vinna að því að tryggja öflugt sjálfboðaliðastarf á LM2020. Um skipulagningu sjálfboðaliðastarfs á LM2020 skal fjallað sérstaklega í verkefnisstjórn LM2020.

G. Skemmtidagskrá og afþreying

30.gr.

Skemmtidagskrá og afþreying

Rangárbakkar bera ábyrgð á allri skemmtidagskrá og afþreyingu á mótssvæðinu, m.a. tónlistaratriði, tónleika og afþreyingu fyrir mótsgesti.

H. Fjármál o.fl.

31.gr.

Greiðslur til LM

Eins og um var fjallað í 1.gr. samningsins veitir LM Rangárbökkum rétt til þess að halda Landsmót hestamanna á Gaddstaðflötum við Hellu sumarið 2020. Í þessu felst að Rangárbakkar sjá um og bera ábyrgð á rekstri LM2020. Þessi réttur miðast við að LM2020 verði haldið á Gaddstaðflötum við hellu.

Greiðslur skulu inntar af hendi sem hér segir:

- Þann 15. júlí 2020 kr. 5.000.000.

[Handwritten signature]

[Handwritten signature]

[Handwritten signature]

- Þann 15. september 2020, eftirstöðvar af greiðslum skv. samningi þessum.

32.gr.

Framkvæmda- og rekstraráætlun

Rangárbakkar skulu kynna LM framkvæmda og rekstraráætlun vegna LM2020 eigi síðar en 1. desember 2018.

33.gr.

Styrkur frá mennta- og menningarmálaráðuneyti

LH og LM bera ábyrgð á að sækja um styrkveitingu frá ríki, af óskiptum liðum menningarmála fyrir árin 2019 og 2020 sem sótt er um 2018 og 2019. Umsókn skal samin í samráði við Rangárbakka og skal hún vera tilbúin eigi síðar en þremur vikum áður en umsóknarfrestur rennur út. Mennta- og menningarmálaráðuneyti mun þá úthluta styrkjum til verkefna er stuðla að faglegri uppbyggingu á sviði menningarmála. Styrkirnir skulu allir renna óskiptir til Rangárbakka. LH getur ekki ábyrgst að styrkir samkvæmt framangreindu fáið til verkefnisins enda er styrkveitingin sem slík í höndum mennta- og menningarmálaráðherra.

34.gr.

Endurskoðun samnings

Samningur þessi skal endurskoðaður ef þurfa þykir fyrir 1. desember 2018 og þá skal horft til reynslu af framkvæmd og uppgjöri vegna LM2018.

Rangárbökkum er heimilt að segja samningnum upp einhliða, fyrirvaralaust og bótalaust fyrir 1. desember 2018.

I. Uppsögn samnings

35. gr.

Einhliða og fyrirvaralaus uppsögn

Við eftirtaldar aðstæður er LM heimilt að segja samningnum upp einhliða, fyrirvaralaust og bótalaust.

- a) Ef Rangárbakkar hafa ekki uppfyllt skyldur sínar um ástand svæðisins fyrir tilgreind tímamörk, sbr. B. kafla þessa samnings.
- b) Ef um er að ræða breytingar á eignaraðild í Rangárbökkum, þannig að geta félagsins til að uppfylla skyldur sínar samkvæmt ákvæðum samningsins minnkar verulega að mati LM.

- c) Ef fjárhagsstaða Rangárbakka breytist verulega þannig að geta félagsins til að uppfylla skyldur sínar samkvæmt ákvæðum samningsins minnkar verulega að mati LM.
- d) Ef fjárnám verður gert hjá Rangárbökkum, komi fram ósk um gjaldþrotaskipti á búi félagsins, það leiti nauðasamninga eða eignir þess auglýstar á nauðungaruppbóði.

J. Önnur ákvæði

36. gr.

Breytingar á samningnum og tilkynningar milli aðila samningsins

Allar beiðnir um breytingar á samningnum, svo og breytingarnar sjálfar ef til koma, skulu vera skriflegar.

Allar tilkynningar og beiðnir í tengslum við samninginn skulu vera skriflegar (bréf eða tölvupóstur).

37. gr.

Rísi mál útaf samningi þessum

Rísi mál útaf samningi þessum skulu aðilar leita allra leiða til þess að ná sáttum. Ef sættir nást ekki skal leysa málið fyrir Héraðsdómi Suðurlands.

[Handwritten signatures and initials in blue ink]
11
G. R. E. 10B

38. gr.

Eintök samningsins og undirritun

Samningur þessi er alls 13 blaðsíður, að forsíðu og undirritunarsíðum meðtöldum, og er gerður í tveimur samhljóða frumritum fyrir hvorn aðila.

Sérstök undirritunarsíða fylgir.

Hella, 7. júlí 2017,

Lárus Ásmundsson Frithinn Guðna
F.h. Landsmóts hestamanna ehf. F.h. Rangárbakka ehf.

Jóna Dís Bragadóttir
F.h. Landsmóts hestamanna ehf.

Helga Ragn Þóðelottir
F.h. Rangárbakka ehf.

Gunnar Jón Eiríksson
F.h. Bændasamtaka Íslands

Vottar:

Gudni Björk 2112484249
Nafn Kennitala

Harður Þorvaldsson 211536369
Nafn Kennitala

27.7.17
H. S. H. S.
12